

¡BOMBA!

Gabinete paritario
habrá para meridianos;
no defraude a ciudadanos
con resultado ordinario



K'uintsil

Edición de fin de semana, del viernes 23 al domingo 25 de agosto de 2024

CAMPECHE · YUCATÁN · QUINTANA ROO · AÑO 10 · NÚMERO 2305 · www.lajornadamaya.mx

K'A'AW,

KU NÁACHKUNSIK BA'ALCHE'
JAANTI K' A'AW, KU NÁACHKUNSIK BA'ALCHE'
JAANTI YÉETEL U YÉET CH'ÍICH'IL

K'a'awe' (*Quiscalus mexicanus*), juntúul ba'alche' ku náachkunsik ba'ax jaantik yéetel u yéet ch'íich'ilo'ob, tu tsikbaltaj José Rogelio Cedeño Vázquez, jxak'al xook ti' Departamento de Sistemática y Ecología Acuática de El Colegio de la Frontera Sur, Unidad Chetumal. Tu ya'alaj xane' ich káastelan t'aane' leti'e' k'ajóolta'an beey zanate, chanate, zanate mayor, zanate mexicano wa tordo.

Tu ya'alaje' juntúul ba'alche' yanchaj tu jáal ja'il Golfo de México, ba'ale' walkila' ya'abach tu'ux ti' América ku k'íitbesikubáaj, je'el bix Canadá yéetel Estados Unidos, tak tu chik'inil Ecuador yéetel jayp'éel tu'ux ti' Perú.

U xiibil yéetel u xch'upul ba'alche'ile' jela'an bix u wiinkilal yéetel u nojochil. U xiibile' ku p'isik tak 43 cms u chowakil, yéetel u neje' óolí' beyka'aj chowak je'el bix u wiinkilale',

ts'ooke' óol boox ch'oj u boonil, beyxan ku léembal; ka'alikil u xch'uupile' maas chichantak, tumen ku p'isik tak 33 cms, yéetel u k'u'uk'mele' maas chak boox. U k'aaye' k'a'am yéetel ch'éej, ts'ooke' beey u t'ankubáaj ichil u yéet k'a'awilo'ob.

Bulk'iin suuka'an u péek; kéen sáasake' ku jóok'ol u kaxtik u yo'och; kéen jó'op'ok u bin k'iine' ku bin wenel, tak kéen sáasak tuka'atéen. Jach uts u k'a'ajsik ba'alo'ob tumen ku k'ajóoltik ich'ob yéetel formáas, le beetik séeba'an u na'atiko'ob kéen óota'ak jaantbil.

ESPECIAL: FAUNA NUESTRA | P. 42 YÉETEL 43

MIGUEL AMÉNDOLA
OOCHEL JONATHAN EISEN